

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Sectio Ultima. De Secundis Rescriptis, quandonam priora revocent, illisve
prævaleant?

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

VIII. In ipsis & in illis malitia gravius, quam negligenter puniatur; quod & de his, qui falsas Litteras impetrant, est obserendum. *ibid. fin.*

IX. De Sacerdote, qui Litteras Apostolicas falsavit, omni Officio Sacerdotis & Beneficio Ecclesiastico perpetuo privatum, in aliquod Monasterium districte Religionis detrudas. *Appendice CONCILII LATERANENSIS Parte 26. Cap. 3.*

SECTIO ULTIMA.

De Secundis Rescriptis, quandonam priora revocent? illive praevaleant?

I. Litterae Posterioribus debent Prioribus prejudicium generare. *De Confirmatione utili. Cap. Bonae memoriae. §. fin. LIB. II. DECR. TIT. III. Cap. 3.*

II. Ut Secunda Littera revocent Primas, debent facere mentionem de Privilegiis Apostolicæ Sedis, vel de processu negotii coram primis Judicibus, *De Sententiâ & Re Jud. Cap. Inter §. Cùm confiteerit. init. LIB. II. DECR. TIT. XXVII. Cap. 20.*

III. Prima Commissione Judicibus data non censetur per ultimam revocata, tamquam primi Judices essent suspecti, quando causa suspicionis in Jure proposita, frivola videntur. *ibid.*

IV. Cùm in Posterioribus Litteris non sit mentio Priorum, non revocantur. *De dolo & contumacia. Cap. Ex Litteris. §. Verum. LIB. II. DECR. TIT. XIV. Cap. 2.*

V. Cùm in Posterioribus Litteris non continentur nomina Ecclesiarum, que in Prioribus positis fuerant, sed dicitur tantum indefinitè. *Super Quibusdam Ecclesiis, Piores Litteræ non revocantur. ibid.*

VI. Per generalē seu indefinitā mentionem, Piores Litteræ non revocantur per Posteriorēs. *ibid. GLOSSA colligit. Verbo indefinite.*

VII. Per Litteras, in quibus dicitur (*Nullis Litteris veritati & justitiae prejudicantibus*) vel sub aliâ formâ verborum, non revocantur speciales Litteræ, dummodo de illis nihil expresse dicatur. *De Confirmatione utili. Cap. Bonae. §. 2. LIB. II. DECR. TIT. XXX. Cap. 3.* Genus non derogat Specie.

VIII. Si à Sede Apostolicâ Litteræ priùs impetrantur, & aliæ postea, non factâ mentione priorum Litterarum, Litteræ impetrantur; si Judicibus innotuit, donec Romanum Pontificem consulant & ipsius exinde plenius cognoscant voluntatem, executione Litterarum debent penitus supersedere, ne pro varietate Litterarum, Causarum fines valeant impediri. *Appendice CONCILII LATERANENSIS Parte VII. Cap. 3.*

IX. Per Posteriores Litteras ab Adversâ Parte obtentas ad infirmandam Sententiam, non derogatur Prioribus Litteris, per quas ad infirmandam vel confirmandam Sententiam potest præviâ ratione procedi. *De Appellationibus. Cap. Oblatæ. fin. LIB. II. DECR. TIT. XXVIII. Cap. 57.*

X. Piores Litteræ semper manent in suâ vi, nisi fuerint per Posteriorēs expresse revocatae; & quidquid in virtute illarum gestum est, debet inviolabiliter observari: donec fuerit de injuriis irrogatis sufficienter satisfactum. *De Officio & Poteſt. Judic. Deleg. Cap. Ex Litteris. LIB. I. DECR. TIT. XXIX. Cap. 29.*

XI. Sententia authoritate Priorum Litterarum recte lata, antè receptionem Posteriorum Litterarum, ipsarum occasione nullatenus revocari debet. *De Restitutione Spoliatorum. Cap. Auditâ. LIB. II. DECR. TIT. XIII. Cap. 4.*

XII. Si occasione Posteriorum Litterarum contrâ Sententiam latam aliquid statutum est, id revocari debet. *ibid.*

XIII. Duas Commissiones super eodem negotio impetrans, quarum altera non facit mentionem de aliâ, carere debet commodo utriusque. *De Rescriptis.*

Cap. Ex tenore. LIB. I. DECR. TIT. III. Cap. 16. §. Nos igitur.

XIV. Si aliquis super aliquâ Causâ ab Apostolicâ Sede impetraverit Litteras, & Adversarius ejus eamdem Causam postmodum obtinuerit committi aliis, de Commissione Priori non habita mentione, priores Judices ad Decisionem Causæ possunt procedere, nec Secunda Littera obtinet alicuius roboris firmitatem. *De Rescriptis. Cap. Ceterorum init. LIB. I. DECR. TIT. III. Cap. 3.*

XV. Si in Secundis Litteris habeatur mentio de Commissione Priori, praedita Causa à Priorum est exempta judicio, cum exdem Littera non sit tacita veritate impetrata. *ibid. §. 1. Si verò.*

XVI. Si de assensu Partium Causa committitur, & processu temporis, vel etiam continuo, alterutra Pars, alterâ nesciente, Causam ipsam, tacito de Commissione Priori, alii Judici obtinuerit delegari; Is, qui tali dolo vel fraude Adversarium suum laborare coegerit, in expensis condemnari debet eidem. *ibid. §. ult. verò.*

XVII. Si aliquis autoritate Posteriorum Litterarum per Adversarium in Judicium tractus, objecerit Litteras se Piores habere, de quibus in Posterioribus mentio non habetur, si eis dolo vel negligentiâ uti postponuerit; excusari non debet. *De Rescriptis. Cap. Si autem. init. LIB. I. DECR. TIT. III. Cap. 9.*

XVIII. Si autem Prioribus Litteris usus non fuerit, quia Delegati Judicis copiam nequiverit habere; per Posteriores Litteras non poterit conveniri. *ibid. fin.*

XIX. Si quis Apostolicas Litteras impetrans, infra annum, postquam copiam Judicum habuerit, ex malitia vel negligentiâ postponuerit uti eis, autoritate Posteriorum Litterarum valet conveniri, licet in ipsis nulla de Prioribus mentio habeatur. *ibid. Cap. Plerumque. §. Cùm igitur. fin. LIB. I. DECR. TIT. III. Cap. 23.*

XX. Quando de revocatione Litterarum ambiguntur, nisi Posteriorēs Judices Prioribus, vel è converso, duxerint deferendum, simul utrique cognoscant. *ibid. Cap. 14. Pastoralis. §. Ad quod.*

XXI. Si forte nequiverint simul in unam Sententiam concordare, quamvis plures sint ex una parte, quam ex alterâ, per Arbitros communiter electos a Partibus; hujusmodi concertatio sopiaatur. *ibid. fin.*

XXII. Judex, qui ultimò datur, formam Litterarum debet inspicere. *De Rescriptis. Cap. Ex parte §. Mandamus. GLOSSA colligit. LIB. I. DECR. TIT. III. Cap. 2.*

XXIII. Per Generale Mandatum posterioriū concessum, non derogatur Priori Speciali, quia de illo in Generali Mandato mentio non habetur. *De Officio Jud. Ordin. Cap. Grave. GLOSSA colligit. LIB. I. DECR. TIT. XXXI. Cap. 19. Species Generi derogat.*

XXIV. Secundum Canonicas & Legitimas Sanctiones per speciem generi derogatur, quamquam de genere in derogante specie mentio nulla fiat. *In VI. De Prabendis. Cap. Dudum. §. Nos igitur. init. LIB. III. TIT. IV. Cap. 14.*

XXV. Posteriorēs Litteræ impetratae, continent quod, non obstantibus Litteris à Parte alterâ impetratis, revocari debeat, si quid immutatum est in Causâ; intelligi non debet, ut revocetur quod factum est auctoritate Priorum Litterarum, sed, si quid presumptio vel violentiâ immutatum est. *De Restitutione Spoliat. Cap. Auditâ. §. Licet. §. Quia. LIB. II. DECR. TIT. XIII. Cap. 14.*

XXVI. Si Rescriptum faciat mentionem alterius Rescripti, primum Rescriptum exhibendum est. *De Rescriptis. Cap. Ex insinuatione. GLOSSA colligit. LIB. I. DECR. TIT. III. Cap. 37.*

Circà collectas in hac Sectione Decisiones viden-

dus GONZALES in Cap. 3. de Rescriptis & Cap. 2. de Off. & Potest. Judicis Delegati, in quibus exponit quæcumque contrà illas objici posunt, conciliatque omnia Jura, quæ contraria videntur.

Notandum autem inter alia hic & alibi habita ab eodem, quod de Regula, quæ irritat secundum Rescriptum non faciens mentionem de primo, plures causas excipiuntur, nempe 1. Si posterius sit Speciale. 2. si prius nullum sit ipso Jure, ut potè subreptitium aut obreptitium, vel concessum Incapaci. 3. Si prius valere desierit ex negligentiâ illo utendi per annum. 4. si utrumque sit ejusdem datae, & de Collatione Beneficii agatur, tunc enim neutrum valet. 5. Si utrumque ad Lites spectet, & prius sine speciali Mandato imperatum fuerit.

C A P U T I .

*Regula circa RESCRIPTA à JURE CANONICO,
quoad sensum deprompte, quibus singula, quæ pre-
cedentibus defun. sive quoad Ordinem, sive quoad
Divisiones, sive quoad Materiam, Supplentur.*

Antequam componantur vel colligantur Regulae circa Rescripta, Quædam scienda sunt. Scindum est enim 1. Rescripti nomine, intelligi omnem Epistolam, quæ circa aliquid alicui respondeatur.

2. Hic sumi tantum pro Epistolâ, quæ Romani Pontifices respondent, vel dubia Proponentibus, vel Judices, aliud simile ad Lites pertinens Postulantibus, vel Gratiam Petentibus, vel, quæ motu proprio alicui aliquid concedunt, vel alteri dare præcipiunt, vel quid aliud facere jubent. Hinc sequi, Rescripta, de quibus hic, post ex parte Materiæ in tres Claves dividi, nempe 1. in Rescripta Decisoria, vel Decretalia quibus Summi Pontifices, vel consulti, vel motu proprio aliquid decidunt, vel decernunt. 2. in Rescripta Justitiae, quæ, quidquid ad Lites pertinet, respiciunt. 3. in Rescripta Gratia, quæ ad Gratias spectantia contingunt.

Scindum est 3. primæ Clasis Rescripta ex se ipsa apta esse, ut sint Juris Publici Partes, quia vel aliquid novi decernunt & Jus Novum constituunt, vel Vetus interpretantur, & ejus Pars habenda, sicut, cum Legis interpretatio, ab Habente potestatem condendi Legem facta, ad Legem pertineat; alia vero in se considerata nihil aliud esse, quam Juris Publici exempla, meramque illius executionem continere, ita ut juxta illud interpretanda sint, & ad illud, prout fieri potest, reducenda; considerata autem, ut in Corpore Juris inserta, ad Jus Publicum pertinere, veluti Pars ad Totum spectat, unde, si quid habent Juri Communi, tempore, quo missa sunt, usi recepto dissonum, id ad Jus Commune nunc usitatum pertinet, ut & cætera, quæ in eodem Juris Corpore continentur.

Scindum 4. Rescripta dividit etiam posse, Ratione Autoris sive Causæ efficientis, in Vera, Falsa, Suspecta; Ratione Formæ, in Valida, Nulla, Annullanda, Dubia, & Obscura, atque etiam in ea, quæ motu proprio; & Ratione Accidentium, in Conditionata, Absoluta, Disjunctiva, & Indeterminata; Ratione Modi illa exequendi, in ea, quæ promptè exequenda sunt, & illa, quorum executio suspendenda est.

5. Rescripta ad alias Res vel Personas non extendi, quam, quæ Papæ Jurisdictioni subsunt; quædam esse Rescriptis omnibus communia, quædam cuique Rescriptorum specie propria, idèque prius consideranda esse in genere Rescripta, deinde in particuli, ut separatis, quæ communia ab iis, quæ propriæ; ab aliis faciliter discernantur Rescripta: ob eamdem quoque rationem comparandas inter se præcipuas eorum species singulaque, in quibus vel convenienter vel differenter, seorsim colligenda esse.

Hinc fit, ut paucis delibatis, circa Rescriptorum authoritatem, notatas à nobis illorum Divisiones per-

curremus, à communiori, nempe ea, quæ ex Autore petitur, incipientes; atque etiam cum Rescripta Justitiae, & Rescripta Gratia, sint præcipua Rescriptorum genera, inter se accuratiùs ea conferemus.

Sciendum est, tantam esse Rescriptorum Gratia & Justitiae cum Delegatione connexionem, ut Major pars eorum, quæ docet Jus Canonicum circa Rescripta, ad Delegationem pertineat; idcirco, si quæ hic circa Rescripta omittantur, in Tractatu de Jurisdictione requirendâ, Sciendum etiam, Rescripta in Jure Canonicô vulgo Litteras Apostolicas appellari, nec non & Mandatum, Commissiones, ut legenti Titulum de Rescriptis patet. Sciendum præterea, Rescripti nomen Jus Canonicum à Jure Civili sumptuose, in quo eodem sensu sumitur, quo in Canonico: in isto verò Calixtinum III. videri Primum, Rescripti nomen eo modo, quo nunc, usurpare: Id que in C. 13. de Rescript. sed anteâ eodem sensu sumptuose esse patet ex Titulo de Rescript. posito in 1. Collect. Antiquarum.

S E C T I O I .

DE RESCRIPTORUM AUTHORITATE.

Circa Authoritatem Rescriptorum varia considerari possunt. 1. Quanta sit hæc Authoritas. 2. Unde hauriant, quam habent, Authoritatem. 3. Quæ requirantur, ut suâ potiantur Authoritate. 4. Ad quas res se extendat.

S. I.

Quanta sit Rescriptorum Authoritas?

R E G U L A .

Universalis est Rescriptorum Authoritas eadem, quæ quoad amplitudinem, ac Conciliorum Generalem, non autem quoad infallibilitatem.

Prior pars patet ex Can. 1. Dist. XIX. ubi NICOLAUS docet, ab Omnibus esse recipienda.

RATIO COMPARATIONIS est: Concilium Generale Universale habet autoritatem, quia totam representat Ecclesiam: Rescripta Pontificis Romani Universalem habere debent autoritatem, quia totam gubernant Ecclesiam. C. 1. Dist. XX. ubi Leo IV. docet, Causas Ecclesiasticas judicandas esse per Pontificum Rescripta, sicut & per Conciliorum Canones.

RATIO DISTINCTIONIS: Ecclesiae Universalis promissa est Infallibilitas, non autem Papæ; Concilium autem Generale idem est, ac Ecclesia Universalis, ac ideo istius Privilegio potitur. Posterior infertur ex C. 6. Dist. XL. in quo dicitur, Papam à nomine judicandum, nisi deprehendatur à Fide deviis: infertur ex Extravag. JOANNIS XXII. De Verborum Signis. Prædecessorum quorundam suorum Decretis contraria: item ex C. 13. Qui Fili. & Extravag. II. de Privilegiis. Extravag. I. de Majorit. contraria.

Dices forstèn contrâ posteriore partem, Summorum Pontificum Rescripta ab ipsis vocari Oracula C. 25. de Rescript C. 7. de Majorit. C. unic. de Voto in VI. hæc autem voce quid Divinum, proindeq; infallibile significari. Verum respondeatur, INNOCENTIUM III. à quo primum & secundum Capita desumpta, & BONIFACIUM, à quo tertium, Oraculi vocabulum usurpare, prout significat quid reverendum.

Dices iterum, Rescripta Summorum Pontificum dicí Apostolica C. 1. 2. 3. 4. 5. Dist. XIX. ac proinde, æquè parùm errori obnoxia esse, ac Apostolorum Epistole. Verum respondeatur, Rescripta hac sic appellari, quia ab Apostolica Sede emanant; undè non sequitur, illa esse infallibilia, sicut Rescripta Apostolorum; alioquin essent infallibilia tam quoad Factum, quam quoad Jus idemque convenire, Rescriptis omnium Episcoporum, quorum